

Vergleichung der alten/vnd vnser itzigen Biere.

Die alten habē Bier gebrawet/
aus Wasser vnd Gerste / vnd ha-
bens Zythum/Curmi/oder Phus-
cas genennet/ vñ alle schribenten
sein in dem eins/das solch ihr Bier/ nicht
wol geschmecket habe/ sey auch vngesundt
gewesen/vnd dem Gehirn/vnd Señadern
schedlich / vnd habe winde im Leibe errez-
get/Vnd das ist war/von ihrem Zythum/
denn er ward allein von Wasser vnd unbel-
reiteter blosser Gerste gemacht/sie thaten
keinen Hopffen darzu/ derhalben es auch
nicht fondte werhafftig sein / sondern
würdt bald sawr / Daher das / was am
Menschen sehnig ist / laedirt vnd verletzt
wird/Aber vnser Biere / die können dur-
rern vnd wehren/ auch eine lange zeit li-
gen/vnd alt werden.

Vergleichung des Weissen vnd Kotten Biers.

So viel die Temperatur vnd
den gebrauch belanget / treffen in
gemein alle Biere vber ein / Im
grad haben sie einen vnterscheidt/
vnd hat eine jede species oder art/der Bie-
re/für andern / etwas besonders an ihr/
Die Weissen Biere nutrirn besser / denn
die Kotten / von wegen der Materie/so
eine